


PAMFLET

969







SV  
D

Imp



W 855

PLAIDOYE  
SVR LEQVEL A ESTE  
DONNE CONTRE LES IESVITES,  
l'Arrest du 16. Octobre. 1597.  
inseré à la fin d'iceluy.



Imprimé à Paris, par MAMERT PATISSON Imprim-  
meur ordinaire du Roy.

---

ET A LA HAYE,  
Chez Albert Henry.

Anno 1597.

969

8



PLAIDOYE  
SUR LE QVET A ESTE  
DONNE CONTRE LES RESVITES  
L'Arrest du 16. Octobre. 1797.  
Interd. de la Bibliothèque.



Imprimé à Paris par M. A. MERT PATISSON Imprim.  
inter. ordinaire du Roy.  
ET A LA HAYE  
Chez Albert Henry  
Année 1797.

PL  
A  
ment  
qu'ils  
redu  
jamais  
sujets  
voire  
re inf  
quoy  
nous  
extrer  
biés-fa  
eleves  
ment  
d'un  
que la  
myès  
Roya



# PLAIDOYE SVR LEQVEL

A ESTE DONNE CONTRE LES IE-

suites, l'Arrest du 16. Octobre 1597. inseré à la  
fin d'iceluy.

MARION, pour le Procureur general du Roy, a dict,

**N**OVS prenons en bonne part, comme nous esti-  
mions que la Cour fera, les remonstrances des Pre-  
voist des Marchanz & Eschevins de Lyon, presente-  
ment leues par leur Procureur. Mesmes nous les louïous de ce  
qu'ils dient tout au commencement? Que depuis l'heureuse  
reductiō de leur ville à l'obeissance naturelle du Roy, ils n'ont  
jamais tant soit peu forligné du devoir & bon zele de fideles  
sujets: & les exhortons à la continuatiō de ceste obeissance,  
voire à l'augmentation; si ce que nous croyons dès ceste heu-  
re infiny, peut recevoir encore quelque accroissement. Car  
quoy qu'on pense avoir faict tout ce qui se peut, toutefois  
nous nous devons exciter à plus, & à surmonter, par vn effort  
extreme, l'extremité mesme de nostre puissance: puis que les  
biēs-faits de sa Majesté, d'ailleurs si immenses qu'ils sembloyēt  
eueves en leur plus hault degré, ont esté neantmoins infini-  
ment accreuz par la constance & proüesse indicibles, suivies  
d'un succès surpassant l'esperance de se pouvoir faire, & pres-  
que la creance d'avoir esté faict, en la reprise de la ville d'A-  
myës. C'est pourquoy outre le devoir general de sujets à leur  
Roy legitime; & qu'en particulier du salut du nostre depend

A ij

totale-



totalement par les moyēs humains le salut de nous tous; on  
 doit encores par vn commun & naturel instinct, qui ravit  
 tout le monde à la reverence des choses admirables, vn soin  
 particulier exact & curieux à la conservation d'une si eminēte  
 & supreme vertu. Et toutesfois c'est chose asseuree que ceux  
 qui s'arrogēt le nō de Iesuites, en ont dés long temps conjuré  
 la ruine, & se sont devoiies à ceste immāité. En quoy se remar-  
 que vn exemple notable des vrais presages, que Dieu (quād il  
 lui plaist) inspire à ceux qu'il aime. Car en la cause celebremēt  
 plaidee trēte ans sont & plus, sur la reception, non pas de leur  
 ordre (qui n'a jamais esté approuvé en France) mais de leur  
 College au corps & priuileges de l'Vniuersité les plus sages  
 hommes de ce tempz-la, vrayemēt excellens en la conjectu-  
 re des affaires du monde, preurent dés-lors, que par traitt de  
 temps ils allumeroyent le flambeau de discorde au milieu du  
 Royaume, & en procureroyent l'entree à l'Espagnol, qui les  
 nous enuoyoit comme ses emissaires. Mesmes ceux qui te-  
 noyēt les charges que nous exerçons, le dirent hault & clair:  
 & requirent par leurs conclusions, qn'on leur fermast l'en-  
 tree, non seulement de l'Vniuersité, mais de tout cest Estat.  
 Aussi la Cour par son Arrest ne les receut pas, ains appointa  
 la cause simplement au Conseil: ce qui deuoit suspendre leur  
 establissement. Mais (par vn malheur grandement lamenta-  
 ble & funeste à la France) ceste prudēce moyenne & impar-  
 faicte, qui par bonne intention differoit de leur clorre,  
 ou leur ouurir la porte, iusqu'à ce qu'elle y eust plus meu-  
 rement pensé, a degeneré petit à petit en la pire partie, par



la legereté & licence du peuple, enclin à nouveautez; & par la connivence des Magistrats, esblouis du lustre de leur hypocrisie: d'où leur est venue l'audace d'entreprendre ce qui nous a cuidé totalemēt ruiner: & pour raison dequoy la Cour, à bō droict, par son Arrest du mois de Decembre quatre vingts quatorze, les a relegues en Espagne d'où ils estoient venus. Ce qu'elle pouvoit faire, voire sur les seuls merites de l'anciē procès, ores qu'il ne fut riē survenu de nouveau, puis que leur reception estoit encore pendente & indecise sous la puissance de sa jurisdiction. Et combiē plus s'estans d'abondant trouvez coupables; & de perturbation du repos de l'estat; & de corruption des mœurs de la jeunesse, & du conseil de la mort du feu Roy, & finalement d'attētat à la vie de sa Majesté: dont la conscience des principaux d'entre eux remorfe & agitee leur fit prédre la fuite; & ainsi éviter la peine solēnelle visitée par les mœurs de nos peres en ces impietez? Aussi pour moīdres causes plusieurs autres ordres, voire du tout receus (ce que cestuy-cy ne fut jamais en France) ont souvēt este, ou exilez de certaines provinces, ou du tout abolis. Comme celuy des Tēpliers, sous le regne de Philippes le Bel: & de nostre temps en Italie, celuy des Humiliez. Mēmes vn docteur Espagnol surnommé Navarrus, en son Manuel, reduit en epitome par vn Iesuite, aussi Espagnol, nōmé Alagona, dict qu'au mois d'Octobre mil cinq cens soixante treze, il fut decidé en l'auditoire du Cardinal Osius grand Penitencier de sa Sainteté, Qu'un Espagnol, qui avoit fait vœu de se rēdre en l'ordre des Cordeliers.

Cap 27.



liers qu'on dict Conventuels, lors receu en Espagne, d'où ce mesme ordre avoit esté depuis tollu & osté, n'estoit adstreint outre son intètion, expresse ou taillible, de rechercher aillieurs en vn antre Royaume, où l'ordre soit encores, vn monastere qui le peust recevoir. Ce que nous recitons plustost par ces deux liures, que par autres milleurs: d'autant qu'ils nous servent contre les auteurs mesmes, & de tesmonage, que l'Espagne offencee des mœurs dissolus de ces Cordeliers, s'en est deliuree les faisant supprimer: & d'autorité, que si quelques-vns seduicts par le passé en ce Royaume, avoyent faict vœu, non encore accompli, de se rēdre aux Iesuits, ils en sont aujourd'hui soluz & liberez, par le moyen de leur bannissement. Aussi les Prevost des Marchās & Eschevins de Lyon, celebrans la justice de l'Arrest qui juge cest exil, remarquēt à bō droict par leurs remonstrances, entre les tesmonages de leur obeissance, qu'y obteperant, ils expulserē promptement de leur ville tous les Iesuits, qui s'y estoient paravant habitez. Chose vraiment digne de loüange: mais, pour la rendre solide & fructueuse, il faut perseverer en la mesme vigueur qu'ils eurent alors. Car il eut esté possible meilleur de laisser les choses en leur premier estat, quoy que tres-dāgereux & plein d'anxiété, qu'il ne seroit de t'ouvrir maintenāt les portes du Royaume à ces gens irritez: veu qu'ils ont adjousté à leurs premiers vœux adstreints au Roy d'Espagne nostre ennemy public, vn desir de vengeance ardent & furieux, de la honte & opprobre qu'ils publient par tout avoir receu de nous. De sorte qu'à present tout leur soin,

estude



estude & industire, toutes leurs ruses, cauteles & fineses (& quelles gens au monde en ont de plus subtiles?) bref tout leur lohait, & auquel ils referent tous leurs artifices, est de rentrer en France, pour y faire pis que par le passé. C'est pourquoy sur les advis receus de toutes parts, des diverses pratiques tendans à ceste fin, la Cour prudemment, la matiere mise en deliberation, mesmes ayant considéré des raisons speciales qu'on ne doit diuulguer, a donné, selon nos conclusions, son second Arrest du mois d'Aoust dernier, portant defences à toutes personnes, cōmunautéz de villes, & autres quelcōques, de recevoir en public ou privé, les Escolliers ou Prestres de ceste societé, biē qu'ils voulussent dire en avoir abjuré le vœu & profession. Lequel Arrest ayās envoyé en tous les Bailliages & Seneschaussees pour le publier & le faire observer, l'exécution en a esté requise en particulier, à l'egard d'un des Peres de ceste societé, surnommé Porfan, aujourd'hui retourné & faict principael du college de Lyon. Surquoy le corps de ville a faict les remonstrances presentement leües, contenās en somme: Que Porfan autresfois a esté du nombre des surnomez Iesuites, toutesfois qu'il n'a jamais faict profession de leur ordre, & les avoit quittes dés-auparavant le premier Arrest de quatre vingts quatorze: ce qui l'a tāt destraiēt de leur intelligence, que tout au contraire il est leur haineux, & si fort hay d'eux, qu'ils ont mesmes essayé d'ēpēcher en tout ce qu'ils ont peu, la reception au collegie de Lyon: & partāt qu'il ne peut estre reputé compris ny en l'un ny en.

en.



en l'autre de ces deux Arrests. Pour à quoy respondre : C'est  
 assez qu'on confesse, ce qui d'allieurs ne se pouvoit nier, pour  
 estre tout notoire: Que Porfana esté dès sa jeunesse élevé,  
 nourry, enseigné, institué, entre les Iesuites, en leur college, com-  
 me vn de leur college, & de leur societé. qu'il en a pris l'habit,  
 la demeure & le nom, par longues anneés, en plusieurs lieux, &  
 dedás & dehors le Royaume: qu'il a leu & presché à leur mo-  
 de, en ceste qualité. Et qui peut donc douter qu'il ne soit vraye  
 Iesuite, ainsi que nous tenons les Iesuites en France? Car ils ont  
 pratiqué trois especes de vœux subalternes. L'vn, cōme Esco-  
 liers, en leur donnant la demeure & l'habit de leur societé.  
 L'autre, comme Prestres, quand ils leur attribuoyēt le tiltre de  
 Peres. Le troisieme, supreme & plus solennel, lors qu'ils les ad-  
 mettoyēt aux plus secrets mysteres de leur ordre. Lequel der-  
 nier vœu nous n'avons jamais considéré en eux: parce qu'en-  
 tre nous ayāt esté tenu cōme reprouué, en reprouuāt l'ordre,  
 ils le nous ont tousiours couvert & caché. Ce qu'ils faisoient  
 aussi afin de recueillir toutes les successiōs qui leur pouvoient  
 escheoir, & ne s'en dire jamais incapables, sinō apres qu'ils n'en  
 esperoyēt plus. S'en estāt mesmes trouvé quelques-vns qui ont  
 herité, & disposé au profit de leur ordre, des biēs de leurs parēs,  
 cōme Escoliers, ou cōme simples Prestres, vingt ou trēte ans  
 apres qu'ils avoyent commencé de faire en public & en par-  
 ticulier tous actes de Iesuites. Bref, tant que duroit l'attēte de  
 quelque succession, ils se disoyent Nouices, pour la prendre,  
 voire jusques à l'âge de plus de cinquāte ans: par vn abus tres-  
 nuisible



C'est nuisible au public, & vrayemēt digne d'animad-versiō, ayant  
causé la ruine de plusieurs bōnes & honnestes familles. Donc  
entre nous le furnom de Iesuits n'a point esté restreint aux re-  
ligieux profez par leur vœu solennel, qui nous estoit caché:  
mais l'avons entēdu par les qualitez seules d'Escoliers, ou Pre-  
stres, qui nous estoient notoires. Et tels sont aussi les termes  
des Arrests: tellement que les mots de, V O E U & P R O F E S-  
S I O N, cōtenus au second, doivent estre entēdus, non de leur  
plus grād vœu & profession plus haulte, mais des autres moi-  
dres, que lō ne peut nier que Porſan n'ait faiçts, Entre lesquels  
vœux ils apportoyent vne distinction telle, que le dernier. cō-  
me le plus mystique, estoit aussi le plus irrevocable: & neāt-  
moins que les deux precedés obligeoyent si avant l'honneur  
& la conscience, que l'infraction de l'essence d'iceux estoit vn  
crime enorme, attirant sur celuy qui en estoit coupable tant  
de malediction, qu'il estoit impossible qu'il peust prosperer.  
Tellement qu'une des apparēces de la charité qu'ils disoyent  
avoir tres-fervēte & extreme à la reductiō des ames dévoees  
du train de leur salut, estoit de ramener à leur congregation,  
par tous les artifices qui se peuvent penser, ceux qui s'é estoient  
ainsi divertis, & qu'ils tenoyent en voye de ruine & perdition,  
pour la peine de leur apostasie. Ce qui sert de reponse à ce  
qu'ō veut dire, qu'avāt mesme le premier Arrest, Porſan se-  
stoit departy d'avec eux, voire avec aigreur & haine mutuelle.  
Car la grādeur immense de nostre juite crainte se doit elever  
en garde & desfiance, par dessus les pontilles de telles distinc-  
tions.



tiōs: & nous faire croire, que tous les Iesuites dès leur enfance sont si estreints ensemble, & conjurez à y perseverer par tant d'execrations, que quelque friuuscule, quelque noise & divorce, qui par occasion puisse arriver entre eux, ils n'oublieront jamais pour tout cela leur premiere accointance, & se rallierōt tousiours à nostre ruine Mesmes nous en avons vn si memorable & monstrueux exēple, que s'il ne nous excite à nous en preserver, nous serons estimez toalemēt stupides, & dignes du malheur qui pourra suruenir. Cest qu'apres que l'ordre mechant & detestable des freres Humiliez, s'estimant offensé du Cardinal surnomé Bonromee, eut conspiré sa mort; ils ne penserent pas qu'aucun de ceux-la, qui ouvertement estoient encores de leur congregation, peust executer cest horrible complot, pour la desfiace quelon prenoit deux. C'est pourquoy ils eurent recours à vn qu'il en estoit paravant departy, que par apparence ils execroyent comme vn Apostat, & qui sous le pretexte de ceste haine, ou vraye, ou simulée par vn art de Zopyre, approchoit de si pres ce bon Cardinal, qu'ayant mesmes entree avec ses domestiques, le soir, en la Chappelle, où il prioit Dieu, il tira sur luy, en ce saint acte, & en ce lieu sacré, le coup de pistolle qui le pensa tuer. Ce qui se cognoist par la bulle du Pape Pie quint, qui abolit tout l'ordre, pour expier ceste abomination; Mais ce Porfan (dit on) est homme de lettres, fort propre & vtile au reestablissement du College de Lyon, aujourdhuy destitué de toute autre conduite. En quoy nous loïōs la charité des peres envers leurs enfans. Mais quelle

herbe



herbe veneneuse, quelle forte poison, n'est d'ailleurs vtile à  
quelque autre chose? Toutes fois, d'autant que le mal y sur-  
passe infiniment le bié, & que le peril des inconueniens qui en  
pourroyét venir est mille fois plus grád, que tout le profit qui  
s'en pourroit tirer, on en prohibe au peuple l'vsage & le com-  
merce. Comme en semblable, qu'est-ce que le fruiét que lon  
se peut promettre de cest homme, en comparaison des maux  
prodigieux qu'on doit craindre de luy? Mesmes quel remors,  
quel ver, quelle synderesse, rongeroit le cœur des habitans de  
Lyon, s'il aduenoit que des mains de Porlan, du sein de sa doc-  
trine, du venin de sa langue, & des fascinations que ceux de sa  
secte donnent à la jeunesse soumise à leur verge, & aux fanto-  
smes qu'ils leur peignent en l'ame, il sortist quelque jour vn  
second Iean Chastel? Et qu'outre le dueil, le dommage & la  
ruine communs en general à toute la France, si grands & im-  
mensés que nulles larmes, nuls cris, nuls souspiers, ne pour-  
royent suffire à les deplorer; ils eussent encores ce regret ex-  
treme en leur particulier, de penser que les Monstres, au-  
theurs du conseil & de l'execution d'vn faict si detestable, se-  
royent à jamais depeints & designez par toute la terre, par  
ces remarques honteuses à leur ville, d'auoir esté le Principal,  
& vn Escolier du college de Lyon? Quelle commodité, quel  
fruiét, quel advátage peuvent-ils proposer, qui puisse tant soit  
peu elever la baláce d'vn si grand cōtrepois? Mesmes de quelle  
excuse se pourroyent-ils couvrir, tombans en ce malheur, par  
vne obstination, contre la prudēce des advis contraires qu'on



Plaidoyé

leur auroit donnez: & ce qui surpasse toute autre contumace, contre l'autorité de vos deux Arrests: Ils sont si sages, si ver-  
sez & instruits aux affaires du monde, & si respectueux envers la Iustice, qu'ils se garderont bien d'entrer en ce hazard. Aussi déclarent ils par leurs remonstrances qu'ils sont prests d'obeir à ce qu'il vous plaira ordonner sur icelles. Parole digne du renom de leur ville, & du rang honorable qu'elle a tousiours tenu entre les illustres de la Chrestienté. Car le plus grád hō-  
neur que les plus grâdes villes puissent acquerir, est de se souf-  
mettre aux plus vifues images de la Divinité, LES ROYS ET LA IVSTICE. Aussi voulōs-nous avoir de nostre part vn soin special de la ville de Lyon, cōme de l'un des yeux de ce grád Royaume; & employer se qu'en particulier nous avons d'industrie, & ce que nos Offices nous donnēt de credit & d'autorité, pour leur aider à fournir leur College de Principal & Regens Catholiques, sages & vertueux, doctes & vrites à former la jeunesse, ensemblement & aux bonnes mœurs, & aux bonnes lettres. Qu'ils envoyēt icy ceux qu'ils adviseront puot en faire electiō, nous leur offrōs toute nostre assistāce: & espé-  
rōs, bien que nous confessions nostre Vniversité estre fort es-  
puisee, qu'e y faisāt vne exacte recherche, cōme en leur faveur nous la procurerons, elle suffira & pour nous, & pour eux: & qu'ils n'auront sujet de regretter desormais les Iesuites, Car quoy que le peuple, assez mauvais juge de la literature, l'ait autremēt pensé, la verité est que ce genre d'hōmes n'a jamais bien sceu, ny enseigné les lettres: & qu'ils ont au cōtraire, cō-  
mécé d'estouffer leur pure semēce, renée en ce Royaume sous  
les



les auspices du grād Roy François, pour y replāter petit à petit l'ancienne barbarie. Car ils ignorent le vray secret des langues, mesmes ils font vertu de les mespriser cōme trop elegants, & de retrancher à leur fantasie sous divers pretextes, les anciens auteurs. à l'exēple de ceux qui par le passé nous les ont tant tronquez, qu'il nous est plus resté de leurs epitomes, que de liures cōplets. D'ailleurs la Philosophie, qui est vraiment la Roine des sciēces humaines, doit estre puissee, pour la voir naïue, en la pure source des liures d'Aristote, dont les Iesuites ne scavēt que le nō, & mesprisans son texte suivent les ambages des vaines questiōs tirees de la lie des Docteurs scholastiques. Bref, ils ont esté plus propres à corrompre les lettres, qu'à les illustrer: vñs en cela du mesme artifice dont ils se sont servis es autres choses plus graves & plus sainctes. C'est que pour attirer à eux toute la multitude, ils soulageoyēt le simple populaire de quelques petits fraiz: Cōme, de ce qu'on dōne par loüable coustume pour vne Confession, pour vne leçon, pour vne figure, & autres semblables: & se reservoyēt de prédre en gros, d'assez peu de persōnes, cēt fois plus que ne vault tout ce menu detail. Ce qui les cōbloit de biēs, & d'Escoliers, à la diminutiō des autres Colleges, & des gēs doctes qui y souloyēt florir: d'autant que se trou vñs destituez & d'auditeurs, & des commanditez qu'ils en souloyent tirer, l'honneur & le loyer, qui nourrisent les arts, ainsi descheuz, faisoient descheoir les hommes. Mais depuis ce peu d'annees, que les Iesuites ont esté chassez, & par ce moyen l'estude & l'industrie, la sueur & les veilles en cōmun invitees à la gloire & au prix de la doc-



Plaidoyé

trine, comme par le passé; l'ardeur genereuse, qui de jour en jour rechaufe le courage des plus beaux esprits, nous fait concevoir vne bonne esperance de revoir desormais ce Royaume illustré de la mesme splendeur des arts & disciplines, qui y souloit reluire plus vifue & plus claire que en nul autre lieu de la terre cogñue. Mesmes, d'autant que sa Majesté, tenant d'une main le laurier de triomphe, & de l'autre l'olive de sagesse, les daigne tēdre ensemble à l'estat, & aux Muses, pour les relever de leur cheute commune, & presque du tombeau. Il reste vne chose en ces remonstrances, que nous ne pouvons dissimuler sans faulte, ny dire sans regret: c'est que par cy par la on y voit des scintilles, tesmoignās assez que les cēdres des divisions passees, qui ont presque embrasé ceste bone ville, n'y sōt pas encores du tout refroidies. Ce qui nous excite à les admōnester d'esteindre promptemēt toutes ces flāmeches, & sans s'entre-piquer, ny vivre en desfiāce les vns des autres, se laisser desormais totalement conduire par la sagesse inspiree de Dieu au cœur de nostre Roy, qui le manie, le dispose & l'incline, cōme le cours des eaux: & sous sa Majesté, par la prudence de ce grād Parlemēt: & par la vigilāce de leur Gouverneur. Croyās fermemēt que sans se rēdre trop subtils à chercher les causes des affaires, qui ne leur doivēt pas tousiours estre cogñues, ils seront mieux regis par ces puissances justes & legitimes, establies de Dieu pour leur conservatiō, que par leur propre sens, & par les mouvemens de leurs privez desirs. Dont nous ne pourrions leur proposer vn exēple plus propre, que celuy qui naist de cest affaire mesme. Car en donnāt à Porſan la princi-



*contre les Iesuites.*

pale charge de leur College, ils ont pensé avoir tresbié pour-  
veu à ce qui leur est plus cher & important que nulle autre  
chose, apres l'honneur de Dieu, & le salut du Roy & de l'Estat.  
Et neantmoins les informations faictes à nostre requeste cõtre  
ce Porſan pour cas particuliers, & le decret de prise de corps  
que la Cour par arrest y a interposé, nous font cognoistre, qu'  
outre ce qu'on doit craindre en commũ des Iesuites, leur jeu-  
nesse d'ailleurs estoit eõmise en main tres-perilleuse, & cou-  
roit le hazard d'estre imbũe de tres-mauuaises mœurs: ce que  
ils doivẽt croire à nostre recit, sans desirer d'en sçavoir d'avã-  
tage quant à present. Car nostre office à bon droit peut em-  
prunter ces mots de Cassiodore: Tout ce que nous faisons est  
vrayemẽt public, & totesfois la plus part des moyẽs dõt nous  
nous servons, ne doivent estre sceus, sinon quand les affaires  
ont pris leur perfectiõ. Quelque jour donc, & quãd il sera tẽps  
de rendre le secret de la Iustice notoire à tout le mõde, les ha-  
bitãs de Lyõ cognoistront tot à clair, que riẽ n'y a esté, & n'y  
sera fait que par bõne raison, & pour leur grãd profit: & que  
la Cour, inspiree de Dieu, duquel elle exerce les jugemẽs, est  
autãt elevee en prudẽce & sagesse sur ses inferieurs, cõme elle  
les surpasse en puissance & en autorité. **PARTANT** nous re-  
querõs, Que sans avoir egard aux remonstrãces presentemẽt  
leũes, l'Arrest du xxj. Aoust dernier soit executé en la ville de  
Lyon, mesmement à l'esgard de Porſan: & neantmoins, aupar-  
avant qu'il sorte du Royaume, qu'en executãt le decret de la  
Cour, il soit pris au corps, & rendu prisonnier en la Concier-  
gerie, pour ester à droit.

Cassiodo-  
rus in for-  
mula No-  
tariorum:  
Publicũ est  
quidẽ om-  
ne, quod  
agimus: sed  
multa non  
sunt antẽ  
sciẽda, nisi  
cũ fuerint,  
Deo auxili-  
ante perfec-  
ta: quã rãtõ  
plus debẽt  
oculi, quã  
rõ amplius  
desideratur  
agnosci,

*Extraict*



## Extraict des registres de Parlement.

Du Ieudy seizieme Octobre, 1597.

**C**E jour, sur ce que Marion pour le Procureur general du Roy a dict en la Chambre des vacations, que de l'ordonnance d'icelle ils auroient mis en mains de Ballō Procureur en la Cour, & Procureur des Preuost des Marchans & Escheuins de la ville de Lyon, les remonstrances leues en l'assemblée generale faicte en l'hostel cōmun de ladite ville de Lyō le xx. Septēbre dernier passe, & par eux envoyees audit Procureur general sur l'execution de l'Arrest du xxj. Aoust aussi dernier, par lequel defenses sont faictes à toutes personnes, corps & cōmunitez, de recevoir aucunes des Prestres & Escoliers, eux disans de la societē du nom de Iesus, encores qu'ils eussent abiurē & renōcē au vœu de profession par eux faict, sur les peines y cōtenues. Auquel Ballō auroit esté enjoint d'en advertir le conseil de dits Preuost des Marchans & Escheuins, & venier ce matin. Iceluy Ballō ouy en ladite Chambre, qui a dict auoir faict entēdre l'ordonnance cy dessus à maistre Barthelemy Thomē, Secretaire de ladite ville de Lyon, estant de present en ceste ville, lequel luy a faict responce n'auoir aucuns memoires & instructions à cest effect. Et apres que ledit Ballō, de l'ordonnance de ladite Chambre, a faict lecture desdites remonstrances: & que Marion, pour ledit Procureur general a dict, qu'elles ne sont considerables pour les raisons par luy deduites: Requerant que sans y auoir esgard ledit Arrest du xxj. Aoust soit executé en ladite ville de Lyon, mesmes à l'égard de Porsan denommē esdites remonstrances. Et neāt moins qu'au parauāt ladite execution cōtre iceluy Porsan, il soit amenē prisonnier en la Conciergerie du Palais, suivāt l'Arrest de prise de corps cōtre luy decernē par ladite Chābre, pour luy estre son procès faict & parfait sur les charges & informations contre luy faictes: avecq̃ in jonctiō au Substitut dudit Procureur general sur les lieux, d'en faire les diligences. Offrans au surplus ausdits Preuost des Marchans & Escheuins les assister pour leur faire trouuer un Principal & Regens Catholiques, doctres & vertueux, pour l'instruction de la ieunesse en ladite ville de Lyon. Eux retirēs, et la matiere mise en deliberation.

Ladite Chābre, sans auoir esgard ausdites remonstrances, a ordōné & ordōne que ledit Arrest du xxj. Aoust dernier, sera executé en ladite ville de Lyō, selō sa forme & teneur: mesmes à l'esgard dudit Porsan, qu'elle a declarē & declare compris en iceluy. Et neāt moins ordōne suivāt l'Arrest du xxv. Septēbre dernier, qu'iceluy Porsan sera pris au corps, & amenē prisonnier en la Cōciergerie du Palais: Pour estre ouy & interrogē sur le contenu es informations cy deuāt faictes, & procedē à l'encōtre de luy ainsi que de raison. A enjoinct & enjoint au Substitut dudit Procureur general en la Seneschaucee & siege Presidial de Lyon, faire executer le present Arrest, & certifier la Cour de ses diligences, au mois. Et pour la conduite & direction du College de ladite ville de Lyon, sera pourueu de Principal, Regēs, & autres personnes suffisans & capables ainsi que de raison. Et sera le present Arrest executé par vertu de l'extraict d'iceluy.

Signé,

DV TILLET.





dict en la  
nt mis e  
Marcha  
lee gene  
dernier  
du xxi.  
munau  
esus, en  
y cote  
il desdits  
hambre,  
ecretaire  
oir aucuns  
de ladicte  
eur ge  
ant que  
esmes a  
executi  
arrest de  
rfaict sur  
rocureur  
Marcha  
ies, doc  
es, et la  
ue ledit  
teneur  
neant  
u corps  
contenu  
enjoinct  
dial de  
Et pour  
Reges  
Arrest